

POZIV ZA DOSTAVLJANJE ISKAZA INTERESA
(KONSULTANTSKE USLUGE – SELEKCIJA FIRMI)

Bosna i Hercegovina – Federacija Bosne i Hercegovine
Projekat za upravljanje slivom rijeke Drine na Zapadnom Balkanu
Grant trust fond za životnu sredinu (GEF), broj: TF0A2317 i
Specijalni fond za klimatske promjene (SCCF), broj: TF0A2320

Poziv za dostavljanje iskaza interesa broj: BA/FBIH-WBDRBMP-CQ-CS-18-02

Bosna i Hercegovina je dobila grant sredstva koja finansira Globalni fond za životnu sredinu (GEF) i Specijalni fond za klimatske promjene (SCCF) za troškove Projekta za upravljanje slivom rijeke Drine na Zapadnom Balkanu i dio sredstava namjerava iskoristiti za konsultantsku uslugu: **“Izrada studije izvodljivosti i idejnog projekta za kolektor i postrojenje za prečišćavanje otpadnih voda za Bosansko-Podrinjski kanton”, broj: BA/FBIH-WBDRBMP-CQ-CS-18-02.**

Neophodno je da se urade tri zasebna seta dokumentacije (po jedan za svaku općinu: Goražde, Ustikolina i Hrenovica - Prača) koji će se sastojati od Idejnog rješenja, a zatim Idejnog projekta i Studije izvodljivosti za svako postrojenje za prečišćavanje otpadnih voda i njemu pripadajući glavni kolektor.

Konsultanska usluga uključuje sljedeće aktivnosti:

Zadatak 1: Izrada Idejnog rješenja za svako postrojenje za prečišćavanje otpadnih voda (PPOV) i njegov glavni kolektor (jedan po općini)

Zadatak 2: Izrada Idejnih projekata i Studije izvodljivosti za glavne kolektore i postrojenja za prečišćavanje otpadnih voda za tri predmetne aglomeracije, tj. aglomeraciju Goražde, aglomeraciju Ustikolina i aglomeraciju Hrenovica-Prača.

2A - Idejni projekat glavnog fekalnog kolektora: Tehnički izvještaj, hidraulički proračuni i dimenzioniranje glavnog kolektora sa pratećim objektima, predmjer i predračun radova, Specifikacije, geodetski elaborat snimljenih ispusta i preljeva, prilozi: pregledna situacija, planovi oticanja, detaljne situacije, uzdužni profili kolektora, nacrti objekata i potrebnih detalja.

2B - Idejni projekt postrojenja za prečišćavanje otpadnih voda: tehnički izvještaj, tehnološki proračun i dimenzioniranje objekata i opreme postrojenja, tehnološke sheme po toku vode i po toku mulja, analizu lokacije postrojenja sa aspekta zaštite od velikih voda (rang pojave 1/100), hidraulički proračun objekata, idejni projekt arhitekture i konstrukcije, idejni projekt vanjskog uređenja i instalacija, predmjer i predračun radova, specifikaciju opreme, idejni projekt unutarnjih i vanjskih elektro instalacija i postrojenja (trafo stanica), automatika i upravljanje postrojenjem; geodetski elaborati, geotehnički elaborati, nacrti na nivou uobičajenom za ovu vrstu dokumentacije.

2C - Studija izvodljivosti za projektovano rješenje: proračun investicionih troškova postrojenja, proračun eksploatacionih troškova postrojenja, utrošak el. energije, troškove obrade i odlaganja mulja, te tekuće i investiciono održavanje, proračun cijene po m³ prerađene vode, kao i po ES, analiza načina održavanja postrojenja odnosno analiza modela upravljanja postrojenjem.

Period implementacije je 10 mjeseci od datuma potpisivanja ugovora.

Ministarstvo vanjske trgovine i ekonomskih odnosa Bosne i Hercegovine poziva kvalifikovane konsultantske firme da dostave **Iskaz interesa** za pružanje navedenih usluga. Zainteresirani konsultanti moraju dostaviti informacije koje ukazuju na njihovu kvalificiranost za obavljanje usluga (brošure, prikaz sličnih angažmana i iskustva na sličnim poslovima, odgovarajući stručni profil osoblja itd.) kako slijedi:

- **Generalne kvalifikacije firme:** Kopije dokumenata kojim se definira konstituisanje ili pravni status, mjesto registracije i mjesto obavljanja djelatnosti Konsultanta, te osnovni profil firme.
- **Kvalifikacije konsultanta (firme) relevantne za angažman:** Iskustvo na sličnim projektima u posljednjih 5 (pet) godina (za svaki navedeni projekt molimo predočite sljedeće informacije: naziv projekta, klijenta, vrijednost ugovora, podatke o realizaciji i kontakt informacije o investitoru).
- **Dostaviti dokaz o neophodnim ovlaštenjima / licencama:** Konsultant treba da posjeduje: (i) ovlaštenje Federalnog ministarstva prostornog uređenja (Uredba o uređenju gradilišta, obveznoj dokumentaciji na gradilištu

i sudionicima u građenju FBiH, "Službene novine FBiH" br. 48/9), (ii) licencu za izradu tehničke dokumentacije izdato od strane za Ministarstva za prostorno uređenje, građevinarstvo i ekologiju Republike Srpske (Pravilnik o uslovima za izdavanje i oduzimanje licenci učesnicima u građenju, „Službeni Glasnik Republike Srpske br. 40/13), (iii) ovlaštenje Federalnog ministarstva poljoprivrede vodoprivrede i šumarstava za obavljanje stručnih poslova na izradi dokumentacije za vodne objekte i aktivnosti na osnovu kojih se izdaju vodni akti propisani Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti (Službene novine Federacije BiH broj 17/08)

Napomena: Ukoliko Konsultant ne posjeduje navedena ovlaštenja i licence, obavezan je dati izjavu da će obezbijediti tražena ovlaštenja i licence kao uslov za potpisivanje ugovora.

• **Predloženo ključno/stručno osoblje konsultanta:**

- Dipl. građevinski inženjer- smjer hidrotehnika - odgovorni projektant na ovom projektu,
- Ekspert za vodosnabdijevanje i kanalizaciju - dipl. građevinski inženjer- smjer hidrotehnika,
- Specijalist za tretman otpadnih voda - dipl. građevinski inženjer- smjer hidrotehnika ili okolišnog inženjerstva, tehnologije;
- Socio-ekološki ekspert - fakultetska diplomu iz oblasti okoliša, prirodnih ili geoznanosti ili druge relevantne discipline,
- Ekonomski/Finansijski ekspert - fakultetska diploma iz ekonomije/finansija.
- Pomoćno osoblje: ekspert za hidrauliku, ekspert za geotehniku, inženjer mašinstva, elektro inženjer, ekspert za statiku/konstrukcije, sa minimalno 5 godina radnog iskustva u struci.

Ključno/stručno osoblje konsultanta mora imati minimalno 10 godina radnog iskustva u profesiji i najmanje jedan sličan angažmanom. CV osoblja ne prilagati u ovoj fazi iskaza interesa, jer se neće uzimati obzir kod vrednovanja iskaza interesa

Konsultanti se mogu udruživati sa drugim firmama u obliku "joint venture" ili podizvođača radi poboljšanja svojih kvalifikacija. Iskustvo podizvođača neće se uzimati u obzir prilikom vrednovanja kvalifikacija Konsultanta.

Skreće se pažnja zainteresovanim Konsultantima na stav 1.9 Smjernica Svjetske banke: Izbor i zapošljavanje Konsultanata po IBRD zajmovima i IDA kreditima i donacijama od strane zajmoprimaca Svjetske banke, januar 2011. godine, revidirano u julu 2014. godine ("Smjernice za konsultante"), koji određuje politiku o sukobu interesa Svjetske banke

Konsultant će biti izabran u skladu sa metodom **Selekcija na osnovu kvalifikacija konsultanata (Consultant's Qualification Selection - CQS)** navedenim u Smjericama Svjetske banke za odabir Konsultanata.

Zainteresovani Konsultanti mogu dobiti dodatne informacije na dolje navedenoj adresi od **10.00 – 15.00 sati**.

Iskaz interesa mora biti dostavljen na donju adresu najkasnije do 29.06.2018.

Adresa:

Ministarstvo vanjske trgovine i ekonomskih odnosa Bosne i Hercegovine

Odsjek za implementaciju projekata

n/r: Amela Jašić

Musala 9;

71000 Sarajevo

Telefon: +387 33 203 237

email: amela.jasic@mvteo.gov.ba